



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД ҲАДИБЕРҶА

СИ' ИВ ЯЛЯХАНА ҲОПОЙ' СЕРТАБИВА'


# Мэбета вадава" ила' панан' етри' мэква"! НЯРЪЯНА ҲЭРМ



№ 19 (5189)  
2024 по'  
май иры'  
11 яля

СУББОТА

Российская Федерация Ямало-Ненецкий автономный округ



Сидяңг: ТАСС няд ханавы

Минреванда  
серода ня"ма

2

## Сайнорма' по тенейна"

Ты" ниць иры' 9 яля саць ненадо. Тюку яляхана невхы сайнормы иринана" тензебтембасетыва". Тамальгы" похона хусувэй яна" тер нядаңговы. Хибяхав ява" лэтрамбадаңэ таравы. Мяканандо' мэна" нито' тотрев' җобтики тэтнавы". Ялэхэ" манзаравы", хуркари тоенана манзай минревы". Тэри мэна яңговы. Мал" җобанзер" теда' хэ"нёси" илевана" е"эмня варемдо' мэць ява" җедабавы".

Ты" ниць иры' 6-12 яля" «Неделя памяти» нубе"җаць. Теда' Ҳарка сайнормахад си"ив ю" хасава ю" по хая. Округна" тиңгэвна тет юркад җокарка сава серм' җадимдембиць. Хуркари акция сертабавы". «Георгиевская ленточка» ненэцяңг" мипавы". Җокханда мат" ю" ёнар" пирм' ми"мы". Харад' тер' мядото' сидер" си падтамбавы". Победа' яля' ед' падтаңгобато' серо"мы. Вальс тарабцом' манэ"лабтамбавы". Солдат" сяхаңгав' җормы каша то"олхам' хор"мы". Тикы" хавна «Красная гвоздика», «Письмо Победы», «Свеча памяти», «Мы помним» акцияха"на мэвы". Тохолкулаваха"на, сёбар" няби культура' мяка"на, толаңгулава' хардаха"на «Стена памяти» акция сертабиць. Сайнормы" ненэцие", «труженики тыла»' сидяңг җыдавыць.



Сидяңг: Sergey Lakeev ханавы

Хусувэй по' «Бессмертный полк» таясеты. Тюку по' пивна харад" ядэлава" мюнья ниць ядэр", интернет' мутра' сер' иринато' тадта"ми манэ"лабтамбиць. Тикахад Россияна" тиңгэвна телевизоркана сидяңгадо' җадимдембидонзэ. Ханяңы" сайнормы иринато' сидяңг

машиныто' пуняңы сидер" сихи", мэта" җамгэрихито' тадтамбидонзэ.

Ненэця" пивна иринато' ембдяро" то"олха мэць, харто' тэнзато' ембдяро мэць ядэр"мы". Памятникха" җамдэдо' тэврамбаваы". Җобкана «Победа» вадам' падыбавы". Невхы юнета сё мэ"мы". Концертха"

сырмы". Сёбар" сюрбермы", пирдырмы".

Я"авлада по сяхаңгарт' нёхона" юрибю", җацекэхэ" вадекана". Тад нерня' сававна илехэва", сидна" мая" хэрабтамбая".

Анна Яптик' падвы

## Сава серкана тараңгу"

Няхар" яна" тер нява" округна" җэвахана мэнахад еси" няд"ми ня"амвы". Пыдо' мал" аспирантурахана тохолкода" ненэця".

Наука' серм' нерня' минреванд' харвана" е"эмня яңга конкурсм' сертабиць. Тандая' тэравы ненэцието' нуби намдаваць. Сидя хаби" тэнз мэтам' Русмиленко Антонм' няби Возелова Любовьм', ненэй нем' Тусида Светланам' ненадумдавыць. Хусувэдо' юр" ёнарм' ня"маңгу. Есьдо' хуркари" серка"на тараңгу". Экспедициян'

хэсь, конференцияха"на мэсь пиртадо'. Таддикахад җамгэри" тохолковаха" пыхыдадо' падбато' серота.

Тюку нина" хуркари" манзаяха"на манзара". Тикындо' хавна тохолкурҗа". Антон Русмиленко Тюмень' няна җеда институтан' пыхыдамда падвы. Любовь Возелова Ҳэрм' ям' тохоламбада научной центрахана манзара.

Ненэй ненэця нява" Светлана Тусида аспирантурахана М.В. Ломоносов' нюмам' мэта университетхана нюртей по' мэ. Светлана Ивановна ма"нисьяв,

тарем' няд"ми ня"марпава тохолкова серка саць тара. Тюку илаңгана тохолкован' харваб" хуркари тарана серо" җадимдемби, җодь харе" нерня җэсь тара.

Хусувэй по' җэрм' тер" е"эмня тарця пирдырмам' җадимдемби". Нюртейдо' 2021 похона җэвысь. Грантм' аспирантурахана тохолкода", учёной нюмам' мэ"ман' харвана" ня"ма пирҗадо'. Илебей ненэця" проект сертаба, падыбада манзайто' нямна лахана пирҗа".

А.Хорэли' падвы

## Салаба' сехэры' нямна

Лабытнанги' Салехард' поңгы салаба сехэрэвна ты" ниць иры' 9 яля' пэвсюмя' ёльцянд' машина" пудана мэва' җедалёрта". Хубтахана мале «подушкаңэ» нубета" ненэцие ядэла пэңгу".

Сехэры' мир" небой поход тянямбой җокамы. Ҳармы ненэця' 170 рубльм' салдаңгу. Җацекэнда е"эмня 85 есям' мита. Саңговота җаворидо' таянб", 10 килограмм' е"эмня 17 рубльм' салда тараңгу. Неро яв' салаба' хэңгадава' ёльцянд' сидя хардана" помна тарем' җедалёртава".

Интернет' мутравна Ямал' тер" помнандо' хонакурҗа": «Сяха' салабава" хэңгадабцу? Сяха' җарка ту җано ядэрць пэбцуд"?»

Хурка җэвамда округна" сехэры" серо ня"амбада департаментхад намдаңгува".

Г. Окотэтто' падвы

# Минреванда серода ня'ма

Ты' ниць иры' 7 яля' яна' нермбэртя Россия' џарка вато' сер' минреванда манзаямда џудахата ня'мадась. Тикы' няю' мэ' вадамда мэ'џась. Мат' по' ямбан' яна' џэвахана мэвамда мал' намдаваць.

Ты' саполана ирыхына тэраґовам' няхар' яля' ямбан' мэ'џаваць. Ненэця' пидте'мидо' џабтамбиць. Мюсерта' нина' џани' ненэцие' нерня тэраґурґаць. Нюртей мэва' тарем' няхар' яля' тэраґова миґась. Интернет' мутравна пидте'мина' џабта џани' пирґаваць.

Яна' џэвахана мэна Владимир Путин' е'эмня 87,28% пир' ненэця' пидте'мидо' џабтаць. Ямалханана' тэраґода' 91,75% пидте'мям' е'эмнянда џабтаць. Тэраґо хусувэй ненэць' пирґадась, сяха' харва', тикы' яля' пидте'мидо' пада хан'ґаць.

Российской Федерация' Президентґэ таралмада луца вадавна «инаугурация» нубе'ґа. Тикы' ненадо сер' етри' Москва маркана џэсеты. Нюртейґэ џарка лохо' мю' Президентской



Сидяґг: ТАСС иад ханавы

полк' солдат' Президент' ныхы' ненадумда'ми тэвра': Россия' лабакм', президент' штандартм', президент' ненадумда'мам', Конституция' падарм'. џарка Кремлёвской дворецхана Андреевской залхана яля' еркана Владимир Владимирович Путин ненэцяґг' тарця вади мэ'ґась: «Российской Федерация' Президентґэ манзаравани ёльцяґгана ненэциени' илаґгана

тарана вату, таґга, хынёси' илевамдо' лэтрамбаґгудм', тисьдембаґгудм', Российской Федерация' вату џэдабаґгудм', закон' вату' няр' нидм' џэґгугу', Конституциям' нив тяхабтамбаґгугу', государствани ханяхартад, хибяхартад нива табдёвам', тосавам', наґэдя џэвамда џэдабаґгудм', хибяхартм' нива таґыламдамбавам' сахарамбаґгудм'». Ва'лытавада

џокханда луца вадавна - няхар' ю' няхар' вада.

Мэ' вадамда Федерация' Советхана, Госдумахана мэна ненэцие' мальґгана, Конституционной Суд' судеґгода ненэцие' мальґгана мэ'ґадась.

Тадхав Соборной площадьхана артиллерийской салют' пуд Президентской полк' парадм' манэ'ґава'. Тюку по' 88 поданда хэвы. Тикы' пуд Владимир Владимирович Благовещенской соборхана «молебен» нубета хэхэ' сён' инзелевы, нумд' туё'мы. џарка хэхэ' мяд' ерв е'эмнанда сава вади мэ'ґась, минрена манзаямда саву'ґась: «Нум' сит нядабая! Яна' тер' нянд пили' инзеле'. Ныхыр етри' џока џэя».

Тадри' тамна намдувандина': хибя правительство' џэвахана мэґгу, хибя' яна' серо минревандаґэ тараґгу'. Тикым' премьер-министр' ня' таслаґгуди'.

Тарем' 2030 по' ёльцянд' яна' нермбэртяґэ Владимир Путин манзараґгу.

Г. Окоэтто' падвы

## Ѓэрм' тер' ила' мэйра'ма

Тюку илаґгана хусувэй ненэць' закон' саирм' нёда иле. Тикы' сидта нядаби, тарабата пуня' пэрґа, вэва серкат тедыби. Ѓэрм' тер'ґэ џани' тарцява' тания. Сидя ю' самляґг по' тяхана «О гарантиях прав коренных малочисленных народов Российской Федерации» нубета џадимьясь. Хэвы си'ив яляхана Москвахана џарка ялянда няю' законо тидхалембада' ма'люрґаць.

Тикава' сямьхат нерденаґэ сертавэдо'. Тальмальґгана тамна няръяна луци' илам' мэ'џаваць. Тарця няд'ма' нямна џэрм' тер' харто' няркана пэйдаць. Та-

рана иґудм' нёдавы', тикахана манзаравы' нина' поґґад ханяґыдо' мале нядна' џахана хаяць. Мюнянда тодо яхана илена' џэрм' тер'хана тарана џавэ мал' пады'. Ты пэрма, халядава, невхы илна' саирм' нёдава, тэнзона' лэтрава, хибя џэвава', хусувэй тарана џамгэ, мал' таянд миґа'.

Конференцияхана мэвы Законодательной Собранияна' депутат Эдуард Яунгад тарем' мась:

- Ямалханана' џэрм' тер' ила' нямна џэда хусувэй ня'марпада табекона' тархалґэ мэ'ґава', џадьбятя џарка законава' џули' тыхасовна тидхалемба тара.

Тикым' няд'мяць џока едэй џавэ џадимдембива'. Халядава, ханева', ты пэрма' нямна ханяґы хародо' тидхале тара'. Ненэйвана тохолкова, лекар' манзая', џармы ненэцие' нямна џэда' вато' џани' юрыба ни' серос'.

Законо сертабади' вадавна ханяґы' саир' тидхалемба тоена'. Тарем' пон «Этнологической экспертизам'» тасламбиць, ва'лерта саць џока џэвы. Тарцям' няд'мяць я' тебтм' нэкалпада', нядэй ёна' вомдабабто', няд' ми салдамби'. џани' џопой тоенана сер' – «мюсертаґэ» хибям' тасламбава.

Таймыр' няд'ґэда юнета нява' Раиса Яптунэ ма'нисьяв: «Теда' ханяґы' илебей' ненэциена' законахана вадь'. Ненэяри' џадимдевы ватомдо' няд'мяць невхы ила' саирм' нёдана' нина' выґгана иле'. Хуркари' няд'ми ня'- марпи'. џавна тар- цява' яґгусь. Ихиня тикан' табалґга ни тара', тыхасовна тидхалемба сава'. Неры юрист' вадавна тад нерня' сертавандадо' тамна џока».

Тарця тарана та- салковам' Москвахана тодо яхана илена' џэрм' тер'ґэ нямна' мэ'ґаць.

## Ненадо ненэциена'

Пудана по' ва'лэйвана манзарана' џэрм' тер' ненэциена' нубе етри' намдоръяна'. Сидто' Россияна' џэвахы ерв ненадумдамби. Хэвы си'ив яляхана џани' яна' тер' нубе намдаваць.

Ямална' тер' поґгана культура' серо нерня' пэртя', лекараґэ тарана', ты' лекар', халядана' џани' таявы'. Сидя џэрм' тер' няхаюна' Россияна' халя' пэрма' нямна Заслуженной манзаранаґэ толыхы'. Лонгортов Владимир Романович - Шурышкарской районхы Горковской халязаводхана илева' ханена. Яхананда хусувэй яха' харам' тенева. Халэтида сэвта хая хомба пирьяда'. Хаби' яхананда тюку яля' пиркана тарем' ёртя яґгу, џадьбятя џод' Владимир Романович' нюмам' намдава'.

Маня' ненэй ненэця' нява' џани' таявы. Вячеслав Аськович Салиндер - Тазагрорыбпромхана ёртя. Пыда иланда ямбан' халям' пэртяґэ тара. Поґганда тер' сяхаринда нерняна мэсеты'. Нянда сыраць илебей' ненэця' џобтики хэвхананда варемдо' мэ'ґа'. Вячеслав Аськович' поґгада тамна пон халяхат пан'ґая. Пока хибям' яля' няю' тидхалея.



Сидяґг: М.Яр' гадгавы



Сидяңг: А.Ялтик' тадгавы



Сидяңг: М.Яр' тадгавы

## Мякандо' пядо'

дэй классахана мэна хасава һацекеы нисянда няби нюдяко няхаюта ня' вынд' һэдалёрмы".

Мюсеванда нямна тарця вади мэ"һась:

- Ненэй мят' турма нянани ёльце сава. Ныланава" яляха"на нисява" сидна" һоб" нянанда ханабасеты. Теда' һарка яхам' мадабиваць. Нэсось яхана" таңга тэвынаць. Нюпой", небой" суюкоцина" выдараць. Буран' хан' мю' пэйнаць. Пад' мю' ма"лавы нядахана һавлабинаць. Хардахад ядэртаңэ нянана" ям- данава, пихина мэва, сидна"

һар" няха"нана" сянкова тэри и' вато. Мань тамна хар"н ханм' мэ"һадамзь, мэта тыни танетари' миһаць.

Мято' харад' хэван' пал"мэдо'. Хаяха һэвахандо' һаврадамдо' тэмдаби", тохолкода" һацекеыдо' ханаби". Тев' ёльцяңгана ин- тернатхана илена" һацекеы" һули" маймбасеты". По' ямбан' небяхатато'-нисяхатато' хэв- няна иле пэдасетыд", мякато' харбиласетыд". Ил' нерня' мимбата һод" сидя ю" по" пир" хэмяхад һока һамгэ несэймы тянё. Нюпой", һацекеыдо' мерарка хан"лавыдо'. Мякато' тэхэ"на

һэдалё хан"мы". Тохолкода" там- на харто' ханм' мэ"мы". Хэвандо' нерня' падракон' пидте"ми ма"ламбавы". Голаңгулава' харда- хана манзарана, ембдяро мипдаңэ тарана, тамна һани" ненэця" пидте"мидо' һабтапто' серо"мы. Тарцясипой" хибяхартм' нивы" һэдарамбу". Теда' һод" һани' тики то"олха падро падыби".

Мюсерта" ненэця" һопой-сидя хардан' ядэрта", тикахад янам- боковна нарэй мэлава' ёхото' мюсе пяңгудо'. Хардахана һарка классаха"на мэна", школам' ёльцеванда" хаёда".

Сыра' ямбан' Надым' хэвхана һэвы" ненэця" явм' мадаваридо' хаи. Нюкаюмдо' мале Яр-Саля' хэван' тэвавыд". Ханяңы" яв' тяхана хаёвы" тамна тания". Нани" пото' тотрев' ид" хэва' нерцю" мадаңгудо'.

Виталий Лаптандер һоб- тики тандая' мюсевы. Сита нядаванзь хардахана илена" нида турмы", һацекеасавэй" ядэрмы". Матдом-

## Ява"

### илелтана

Маня" яханана" нарава" яноць турцеты, һадьбьята луца яля' падар" сер' нисетыва" иле". Тарем' һод" янамбовна сырава" юванзь пяда. Харад" һарка" ядэлава" мюй" сы- расялманзь пядо'. Ханярина сада" һадимдана пяд". Тика- хад парамдэй" һэ"мя" яха"на мерцяхана пулавы" табор", һамгэри тики" хамбол" һани' һадимья".

Харад' поңгы сыра на"вол- падаңэ тарана" ненэця" ет- ри' манзара". Хусувэй яля' тракторто' хэрна" я"авлы". Тарем' һонёда сыри на"волмандо' пуд сехару' мюй" икана сабе ни" панаңгаңгу".

Ненэця" хардато' ядэлава' мюй', илесь' ёто' няби манзара ёто' хэвхы хабтомдамба пыванзь пэрһа". Россияна" һани" ёхо"на таборо ма"ламбава' ялям' мале мэ"һадонзь. Ямалханана" сую" ниць иры' 18 ялахана серта тас- ладонзь.

Яна" таборцявахар"на" нядана" пере. Нядьбьята хибяхартава" пуня' ниһа". Нэцекеасавэй" пин' тарпсетына". Тарця таборо ма"ламбава' яля" саць тара". Ненэця" ямдо' сянзь, илесь" ёдо' сянзь иле тоходана".

## Нарка маркана тохолковы"

Ямал' тер" илесь' ёто' нямна етри' ибедорһа". Хусувэй по' һамгэхэв сава иңудо' ваде"һа". Таддикахад яңга теневабодо' һокамдамби".

Тандая' һацекеы ненэциена" Московской областян', Сол- нечногорскан' һэдалёрмы". «Сенеж» тохолкулвахана һэда «Кадры для села» семинаран' инзелевы". Нюбт' нюдяко" хар- дахат һэда" ма"лёвы".

Россияна" тиңгэвна нюдяко" хардахана илена" харто' союздо' тания". Маня" илебей ненэциена" һобтики тарцясавэй". Серо минренадандо' Сёяха' тер Геннадий Окоэтто тара. Нэрё' съезд һэва' мальһгана пыда проектм' падась. Проектамда мале сертадась. Ныхыдырта" е"эмня пирдырмам' һадимдесь. Тики' хав- на пыда һарка" маркат һаха"на һэда яхана иле. Нэдолёро"мита нямна тарем' лаханась:

- Нюбт' яна" ханярид һэда" ненэця" ма"лыць. Нермбэртяңэ тарана", «Лидеры села» пирдыр- махана нерня' ха"амвы", тамна һани" тохолкован' харвана" тикахана мэць. Няха"на" теневабцона"

ваде"һаваць. Ненадовна «Ли- деры села» нямна намдаваць. Тохолковамдо' ёльцевэхэ"на, тандая' манзара пэвэхэ"на һарка няд"маңэ тарана һамгэ һэвы. Ямалханана" «Российский союз сельской молодёжи» (РССМ) һобтики тания, тандаярка' һадимьясь. Нерняна таславанда серма" һока. Нюдяко" хардахана илени" поңгана «лидер"» һокаркавна һадимбато' сава һэңгу. Тикахана сяхари' марк"

илеванзь вуни" хант", харто' яха"нато' илеңгу"ним". Тюку по' пуданахана, харвабта, һани по- хона һэбта һод" Сёяхана съездм' мэ"ман' харвава". Округна" ханя- рина нермбэртяңэ тарана нина" ма"лаңгува".

Тохолковандо' пуд «Лиде- ры села» пирдырмам' нэвы". Ханяңы" мале пыхыдадо' тикан' падвыдо'. Сую" ниць иры' 31 яля' һэсонд' падродо' лидерысела.рф сайтан' һэдара пиртыдо'.



Сидяңг: yamal\_rssm няд ханавы

## Дорогие ямальцы!

От всей души поздравляю вас с 79-ой годовщиной со дня Великой Победы!

В этот торжественный день мы склоняем головы перед подвигом наших великих предков, которые отстояли свободу и независимость нашей Родины в Великой Отечественной войне.

9 мая – праздник мужества, стойкости и негибаемой воли советского народа, который смог выстоять и победить в самой страшной войне в истории человечества.

Весомый вклад в Великую Победу внесли ямальцы. Все они мужественно сражались на фронтах, трудились в тылу. Чтим память павших героев, отдавших свои жизни за наше мирное будущее. Вечная слава и низкий поклон всем, кто защищал Родину.

Сегодня наш долг – сохранять и передавать из поколения в поколение память о тех героических событиях. Мы должны быть достойны подвига наших отцов и дедов, строить сильную и процветающую Россию.

Пусть этот великий праздник вдохновляет нас на новые достижения, объединяет наши сердца чувством патриотизма и гордости за свою Родину.

**Губернатор Ямало-Ненецкого автономного округа**  
**Д.А. Артюхов**

Дорогие фронтовики,  
ветераны  
и труженики тыла!  
Дорогие ямальцы!

Поздравляю вас с праздником Великой Победы!

9 Мая – это праздник величия подвига народа-победителя, его беспримерного мужества, стойкости, неисчерпаемой силы и единения в борьбе с фашизмом. Этот день для нас навсегда будет самым священным.

Мы храним память о тех, кто отстоял Отечество и сокрушил нацизм. Мы гордимся теми, кто сегодня на поле боя продолжает дело своих отцов и дедов, защищает интересы страны, показывает пример бесстрашия и героизма. Россия крепка связью поколений и людьми, готовыми ради нее на подвиг. Наш народ един и в горе, и в радости. Так было и будет всегда!

Желаю всем света, мира, тепла сердец и простого человеческого счастья!

**Председатель  
Законодательного  
Собрания Ямало-Ненецкого автономного округа**  
**С.М. Ямкин**

## Їарка таром' ха"аврамбись

**Хахаяда яля' редакцияханана" тарем' таславаць. Хусувэва" саю мардава' няю' харе" мята' тер" нямна паднагу. Маня" џавнана" џэрм' терџэ хэбидя саю" похона џани' џарка таром' иринана", нисянаана" ха"аврамбись. Ненэй ненэця" сайнорманзь ханлэйдонзь, џокадо' яханандо' халыдаць, ханець, ты пэрџаць. Сяни" по" ямбан' таџгм' юрадонзь.**

Нисями Яр Тэтакоча - халям хадабись, сэбинена планм' томдабись. Иланда нямна теда' ваде"ман', невхы лахарёми' нянда тэвраван' харвадм'.

Нисява" пудана ялянда џэсонд' џэдалёбнанда џэва инямда нида џэдарамбасету". Ёыхы сэвта сыла"махад манзарась. Невхы паџгода евако џацекэхэд пэвы". Нисянда нися' мяд терсял"махад тэта ненэцие" манзаранаџэ таравы. Индя ваторихина, иланд' ена тас ненэцяџэ хэвы. Манэ"мэда, намдвэда нисяна" џокась. Невхы иле"мида лаханакодареv' вэрола-сетыда.

## ПИЛИ" МАНЗАРАДМЗЬ

- Илаџгы ненэця' џэвани мальџгана тоенавада нись со". Ёпой по' вэс тэри мэдамзь. Тамальџгана Ёдяџгана школам' сертаць, си"ми џарка няни е"эйџэ школан' ханаць. Мале џарка ненэцяндямзь. Нянани тохолковы" нини" џод" сини џараць. Теда' тасла ю" си"ив, сидя ю" пона" џэвы" џэџгу". Ёпой нярива" си"ив потнась, нюдрев' пэрцетыва". Поџгнана" мэбта ни џадьсяту". Нюрте"э луци" паны сер"махадана" пили" ханьторцетыва". Ёани" няхабина" паныто' пеля харад' хэвхана илена" ненэцяџгм' мирдамыдонзь. Тохолко пэ"мяхадана" буквы, пякоци, сюрэбтяв џамгэ падыбасетыва". Таняна џод" луца нюмдами таць. Петям' нюбе"џадамзь. Ёани" нини" мал' луца' нюбе мэлаць. По' вэс тохолковэва" џэџгува". Сидна" ма"лавандо' мальџгана сырада мале ёрмась. Нарэй хаерта сэв тю"уна хэ"мяхад луцава" сайнорманзь ханаць. Сидна" тохолламбада яџго нисями пырдари' мякни си"ми ханась. Пуна тохолко манзара пэ"мяхадана", сидядо' поџгани терханзь. Тамальџгана луца" няна" ма"ним": «Сайнорта" нядаба тара"». Тына" пел' хадэйдо', маня" халям

хадабаданэ таралџяваць.

Саць тоенась. Няръяна луца" ватодо' са"џась. Таџода, сырида таџгм' нива" хосету", вэва нумгад ехэраваць. Никадабцо џамгэ џэвам' џани' юраваць. Тюку илаџгана малкоць вэн" тарем' ни" манзара", сяйна", сидна" сянда яџгусь. Ненэйвана луцина" нянаана" ёраць ханпато' вэва џэсеты. Манзаранаџэ сидна" маниесеты". Тикад серо тенеvанадарев' табекурта". Хэтуvандахавадо' џока џэџгу. Хасхана џанона" мюня џамдэда луци нюхулембаџгуд, и"маџг џэсеты", ит' ни" ха"морт". Харта џод" седемы" ит' санарма саць тоенась. Ёэна" тецьда и" тэри лядпасетыда. Мале ит' тэв"махавад пирдалесетыва". Санаvанд нерня" џэд харто' џэсондо' ханимдарха" џэџгу". Ёамгэ тарця џэвакы, халыда етри' џока џэсеты. Нум' џарка маям' ебтабаvанда е"эмня тарем' сертабаvакэда. Поџгабина" пили" панцеты". Маня" ёртяџэ тивна" ни" терсясету". Хадавы" халыкоци џаворцетыва".

## ЇОБАЇГУНА

Халы" паџохона немахад ехэраваць. Мэта вуни таяна". Халы" хавна сё' сивна ханда яџгува. Маеџо палеваць. Ёобаџгуна яв' няю', Хальмер Ваџга хэвхана ёрманзь џэдара". Тэв"махадана" ты пэртя" мяк" лекар" луце нем' ханаванзь табеда", нид минзь ёртава". Ёрянда тэв"махадана" мерцяџэ хая. Хамба" саха"ма". Ёанова" икад панаџга пэй". Лабидо' ёрцини" нули" нидонзь џэдарамбю". Ёпой няна" пуня' џэвы' џэб", нида мал' хадарабтаџгудась. Хибяxавана" ябан' ям' манэ"џава". Тикахаvад хаџяцей саха"мава". Ёанона" сэйvам' хамеда, ненэцие мал' џано' хуџган' хэсь табедэян'. Луца нехев тарензяда тандая' ха"амвы сырадарев' хаясь. Сяџок хэхэда таяна", мал' тензэбтеvыда



џэџгуда. Тарць сэсетаvана халэна" юрына". Индана" тедыба япда ит' санэйва". Ёря џэвакы, нинякы лаџгхаван' маяндорць тэvынаць. Я' ни' тэв"махадана" тукуцям' пятава", хибяна" серада таяvыкы. Тандая' сэдвы мальцям' мэта луце не мальцяда нерде яvна лэбтась. Ядембада ту' хэвхана мальцяда тэри сангарџий". Пуна' нина" ты пэртя" мяк" ханадонзь. Маня" џанова" хае"мяхадана", џобтики пэдэдава" мэванзь мяк" хаяваць. Итя хас"махад тад манэ"џава", џанова" няби хэvанда ни' мандэвы". Хэвхэда тэри сэрако"я. Ёока"я халы" тэри џано' хэвхана юседа", халэв" нито' ни' џамдорџа". Ёанова" џобкана ян' нэкалџава". Сулур"махадана" џани' ит' ха"аврава". Пырдари' минзь, халыкоця хадаваць. Тикы серма" сенаси" хаясь. Луца" сидна" хонрамба пяvы џэбто', мань поџга' ервџэ саць еремда-дамзь. Тамальџгана пыдо' сыбинець. Тарем' џани' хаџгамахаvава" яџгу. Тикы тальняю' тамна пон' тарем' ёрџаваць.

Тарця иле"мида нисями пунда хаесь. Ёобтики саю мардава' няю' варемда мэ"џась. Маня" гавэтахана падананаџэ я' тиџгы сайнормы" вэсакохо", пухуцяха" сейхад џэда vади џэдарамбива". Я' хоба' нимня тамна пон' ядэрџая"! Тамна пон' яля' сэван' сырџая"! Нюдо' сававна сиддо' пэр"џая"! Мято тер" сенз" џэя"!

Марина Яр' падвы



Теда' нода  
тамальџгы  
ириндо' харбём'  
нёда".

**Хибярида'' жада''  
– сертавэра''  
җока**

Ты ниць иры' 9 яля' Россия яна'' тиргэвна ненэця'' сайнорма' маляргы янгуы иринадо' тензетемби''. Җопой иудм' маць пинкабтада сайноро''ма'' по'' няю' җэвдо' нибкаласеты''.

Ямал' җардавна хусувэй нюдя хардахана, җарка маркана ненэця'' иле хардато' ненадо яхана ма'лёсеты''. Тovy ненэцяндо' етри җока җэсеты. Җарка нито' поҗгана җацекеця'' ядэрцеты''.



Сидяҗг. Г.Кинчина' тадтавы

Мань тюку падыбадаханани номзядаҗ хэёвы сайнормы ненэцие тензетеван' харвадм'. Сайнорма' ё'' няд пуны' вунивы'' ту''. Ямдо' җэдаба тюку яля' илевана'' ед' тикы'' солдат'' ям' хэвхалмы''.

Победа нубета площадьхана җарка пэ'' нина сайнорманзэ хэвы'' ненэця'' номлидо' пады''. Нярьяна җамдэдако ня''амба не нюни ня' хэвхандо' нульяни. «Поҗганандо' ненэй ненэця'' таян''?»», - си''ми хонра. «Таян'. Маня'' е''эмнана'' сайнормы''. Тамальҗгана тодо тэнз'' яна'' тер'' җопой мяд' тердарев' саю пидеба варемдо' мэ''мы''», - нубедо' толэйни', ненэй еркар'' җокарка җэвы.

Лакри' не нюми җани' вахалы'': «Сайнормахана иринад нядаңгоса''?» Нерде' вадам' хось я''мадм', ихинани мадм': «Мале янгуы ирикэми сыха' хонраңгосав? Соявани мальҗгана мале янгусть». Ими ядэлы'', мунзи'' нуни'', тикахад небяни вади тензетедм': «Җэрм' яханана'' хусувэй Я' мал' тер нядаңговы. Нисява'' ты пэртяҗэ тарась. Җани нида няць Победа' яля' е''эмня пи-ялэ манзарасеты'', таңгм' нисеты'' хомбю''. Тараванда мальҗгана ханесеты'', халям' хадабасеты''. Сайнортанидо' тарем' мэбеламбавыдо''».

Җадьбяни ихинани няндо' лаханадм': «Маня'' няюна'' сертавэра'' җока. Сидта'' пили'' тенейгува''».

**Г.Окотэтто' падвы**

**Сайнормы ненэць'**

**Иван Антонович Юганпеликм' яна'' тиргэвна сававна теневадо'. Пыдо' юнета падна-на ненэцянзэ. Җавнанда тамна «Нярьяна Җэрм» газетана'' редакторҗэ тарась. Сайнорма' похо''на яхана'' җарка таром' ха''аврамбись. Ня''амвы наградада җани' җокась. Ява'' лэтрамбаванда мальҗгана җэмда маядавысь.**

Иван Антонович җарка пэвдей иры' 31 яляхана 1925 похона Халевож (Товопогол) хардахана соявысь. Мята тер'' ты пэртя'' җэвыць. Пыдо' Пэ'' нямна миосермыць. Нюдя җэдаханда пыхыдамда манзара тохоламбавэдась. Ханеванзэ, ёрманзэ, еванзэ етри' хан''мысь. Тамна' тяха' тохолокованзэ пэрмы. Я' тиргэвна я''авлада вадам' җэдарава'', Җарка сайнорма пэвы''.

Тандая' илам' хамэдамба пявы хасава җацекеы җамгэхэртан' сейда нивы пин''. Сита җар'' нита ня' ямда саюхот җэдаванзэ хэвы. Армиян' сую'' ниць ирыхына 1943 похона тэвавы''. Пулемётчикҗэ таравы. Енеркава ёльце пир''мэда. Җэрм' няд товы җэбта җод'' сайнорма' сермивэда пилос''. Таянана мэванда сер' падна пэвы''. Нюртей'' ненэй вадавна җэда'' стихотворенияда җадимы''. Падвэхэ''ната харта ямда, выңгы иламда тензибтембавы.

Сталинград' хэван' тэвормы. Пуна Белоруссиям' няби Польшам' лэтрамбавы. Нива пинванда, са''манда е''эмня

хуркари тэнз'' ненадумдами ня''амвы. Тарця'' орденда таян''': «Отечественной войны I и II степени», медальда «За отвагу», «За Победу над Германией в Великой Отечественной войне 1941–1945 гг.», тикахад тамна җани''.

Берлинан' тэваварида хаёвысь. Сие ниць ирыхына 1945 похона Одер яха' хэвхана сиддо' саю'' тыяролтатма пявыць. Батальонмда самляҗг мэва хацявэдонзэ марда''. Пыда самляҗг юкад вата сэр'' луцам' ед''мы. Пи' җобтики нивы хасерҗг'', етри' пулемётанда муңг'' сарё' тэс тотрев' няйналтамбавыда.

Бреславль маркана сэр'' луцаха''на панта машинам' мардавы. Тамальҗгана саю хэвня' пидебадаханда җэси'' хаёвы. Тикы хардахана җока ненэцява'' маядавы''. Хусувэй яля' туни'' мун'' хэ'' мундрев' совы''. Сую'' ниць иры' 6 яляхана яна'' тер'' марадм' сюртевыдо', пирдалевэдо'.

Лекар'' мякана мэ''махаданда Салаяҗгардан' товы. Культура' мякана манзаранаңэ тохолко пэвы''. Тикэмда 1948 похона малевэда. Җэдя' хардан' манзараванзэ хэвы, клуб' ервҗэ, Тазовской райком' комсомол' секретарьҗэ таравы.

Пуна җани' Салаяҗгардан' тэвавы''. 1953 поход «Нярьяна Җэрм» газетахана падна пэвы''. Тикахад җамгэ' пир'' по'' газета' җэвахана мэнаҗэ таравы. Падна-ванда хавна невхы иле''ми, лаханаку ма''ламбавы. Леонид Лап-



Сидяҗг. интернетхад ховы

цуй, Роман Ругин, тамна җани'' паднани'' ила' сехэрым' тидхалемба нядаңговы. 1960-1970 похо''на тет книгада җадимы, мал'' ненэй вадавна җэвы''. Падвыда «Земляки» (1957), «Север поёт» (1961), «Ямальские зори» (1966), «Сказание о счастье» (1970) падарка''на җадибермы''. Тюмень' няна «Я пою» (1960) җобт' ма''лавыда җадимы''. «Девушка Сихирти» стихотворениянда юн җарка җэвы.

Пудана'' пода Ялуторовск хардахана мэ''мыда. 1991 похона янгуы. Теда' ненэця'' сита ни'' юрыбю''. Падвыда хусувэй яля' толабидо'.

**Ненэй вадан' Анна Яптик' падвы**

**Нисян мэнена сё**




**Саво'' ирий' 22 яляхана' 1941 похона – пилкабтэда юн, няби 1945 по – җарка маймбабцо... Саць җахы, саць хахаяда толыр''...**

Мань нисяв' Ледков Гаврил Иванович 1943 по' җэрё сайнорманзэ хаясь. Теда' сита тенева''. Победа' җэсонд' по' вата яля'' хаёвыць, ханярина нина'' мэбець сайнорҗаць.

Кёнигсберг, военной госпиталь. – Палата'' пан''җаць, ядаравы хибяри'' саць җокаць. Яля', пий' ямбан' сайнорма'' сосеты'', ханяңэхэна пендерма ни сосету'', ханяңэхэна пенд'' сацеты''. Маймбасетыва'', маня'' нина'' фашист'' ядпи'', – нисяв' вадецетыда.

Победа' хахаява мале совысь. Сава юн' това яля' нерцона госпиталькана мун'' нисеты'' со'', валакада санитарка'' сюрбеласетыд'.

Нябимдей яляхана җаркавна лаханани'' вабц намдорҗаваць, нё' тяхана сюрберта'' хибяри''



Сидяҗг. Ю.Талеева' җэдабтавы

**Ледков Гаврил Иванович**  
05.04.1926-01.12.1989 гг.

сосеты''. Тад' хибяхава җаркавна төрей: «Победа!!!» Хибя манзабтёсь пир''җада, санэяд'', пин' сюрбыдаць. Ядаравы'', санитарочка'' ярҗаць,

нидо' севолпиць. Сайнорма хусувэй хибярин' җока ярм', маям' тэврась. Яндаха''на' вэва җэбць, ханзер'' хайлад нид тарпаңгу''? Хибяхав саю' по'' ямбан' мята' тер'' мал' янгуы'', җани'' җудаси'', җэси'' хаёвакы''... Мань ив' няркамть''': нисяв, небяв маниедм', хой яв, мя''ми, хасава, не нин... Тикахад валакада самляҗг по'' ваерась перенин' хэван' тэываць. Теда' нисян' сидяҗг маниесь, хонаркосетыдм': «Ханзер'' тамбир'' җылека сайнормахана иле хаёвакэн?» Нисяв сайнормы пилкабтэда серо нисетыда хэтабю'', мунзясеты, җобаңгэв' хуреңгосеты. Теневадм', җамгэхэртахад нива пинвада, серо''мада, ныхыда нисями сайнормахана нядабиць.

Җани' ты'' ниць 9 толыр'' – Победа' яля! Нисян' сидяҗг, плёнкан' падвы сёда, «Случайный вальс» – нисян' мэнена сё...

**Александр Выхейской' вадахат Ю.Талеева' падвы**



Выңкна дидина" ниңашкиуди" хамплянк - мат' похонатоң манде хайтудаш чепяшту". Нойхат тувшаку", паткуди" хайташту", нухукутуң паныудет шелташту". Тадям мэмантуң шел хайтудаш тохошту". Няхад пуң чена «Ямал-потомкам!» нимита ассоциацияна мансланна" проект «Тувшаку» шелтаңаш".

Тадям четаң Пуровский районхана җайта" школа-интернатхана тоходкота" җашкиуди" хайтудаш тохотамаң мэт конкурсат шелташту". Талкахай школа-интернатхана тоходкота" ни җашки" хайтудамантуң мэты пон музей мят җомшту".

Шичитоң школантуң музей мансдям минлена Нина Топоева конкурсан җанаташту. Чуки похона ненэй тувшаку хэтмай", нюча паныуди", матамэхэна пытылды шелтамай". Таньше мэма тоходкота" җашкехена дёдыше хома. Ни җашки" хэтмы тувшаку", паныуди" жури маньсадытоньш. Медьмана җоңкмамтуң, пытылдамтуң, хайтуңотуң кудка җаймам маньсадыш". Ни җашкиуде" шелтамайтуң җамыкутоң дёдыше медят. Хайтуңотуң хома", тувшакутуң мил" медят".



Таттама": Л. Айваседо таттамы"

Җашки" маньшту", талдыша конкурс' нянатоң дёдыше хома: хайтудаш тохоташту", җадка няханатуң дёдимяшошту".

Хайтудаш мяналды" җашки" поңкат җайвахай местам Ольга Айваседо канаңата, пыта хэтмайта паныудимта пиди мельңэ жури" тондаңа". Ольга пон чики конкурсхана мяналдышту, чики

недьяна таңат, җопам хэтҗаш. Хайтудаш мяналды" ни җашки" тотуң мячисы" няамҗа". Мянальш хитамахататоң «Тувшаку» проект шелтамы нетоң писан җамта", җокна шаймантуң мэты.



## Хайнольш нэхэдма дядя

Чуки диди кашемдючимты дядяна - җадка дядя чед" хайнольш нэхэдма дядя. Хэлаку" луса" җадка дядя чед" лусахана" хайнольш чепьмаха-на, шанат тэмс неша" хаймыхи" канаңаш". Хайнолма чет' похона шаңкмян неша" чок коңаш".

Маня" Пуровский районхатна шича дёнадкат вата чет' дю" неша" хайнольш кадыш". Чикидю" поңкна ненэй неша", капи", вахандя", җысма" тадымэҗаш". Кукиты" шан' мяктоң ниш' ту". Куки хайнольш каймы неша" җамэхэна хинчумахалтатуң пунши. Чет' хайнолма пуң дямпан шича дю" мат' миллионхат җука неша" каталамэт". Тадям таньдёдышкый шеду" җалтана" җашки" чедимямаң мэт, маня" дяханана кудкади" таньдет җайта мероприятия" шелташту".

Шаңкмян кадват тахана хайнолды" дет тондота памятник тады". Талкахай стеллаң кявхана җайта доскахана шанат тэмс нешади" ним' пыты". Хайнольш нияна каймы" неша" җупчики хайму" нятапёш дядитахана мансдаштомай".

Пуровский районхана ты" паделдыш мансланна", калитана"



Таттама": Л. Айваседо таттамы"

Четаң тадыай шеды" куптана кады. Чуки похона шеёв дю" кашем'дю" пуңэ кады, дядя чед" хайнольш нэхэдма похоты. Советская армия" нэхэдмахат шанат дядя чед" таңкаш дидиндайташ".

хайнольчи" нятапёш җука җайватам шелташтомай". Выңкна дидина", кадтыхина колхозхана мансланна" неша" шанат тонна" ты җамши", кади" хайму" җамдат җайтапташтомай". Хайнольчи" кынимтамаң тайхана мымай паныдю", пеми" хайташтомай", пый лампи"

мештомай". Калитана" дёделдыш катамайтуң калитоң пый бочкаха хылдуташтомытуң. Калитуң пель кастахадя, тухут тулахадя паткохо" җомташтомытуң, тай"ня чикитоң тадым хаймыхи" җайтапташтомытуң. Нешади" мансдавшат колхозы пу"тахана детуң тасламы җамшитуң,

калитуң планым чемнанта коштомытуң.

Надан март' дилихина 1944 похона Кадпюд няна мансдамы колхоз им. Сталина няңта тасламы планамта мат' тай'мана (на 635%) чемнанта комыта. Таньдёдышкана чики колхоз председателыңэ 1942 похот Ани Вэлло мансдамай. Пыта колхоз' мансдям хайнольш хитамантуң чең миндемыта. Хайму" нятапёш колхозхана мансланна" писамэй җайваштомай", кудкади" вайма нумкна: чешпахана, таньшелдыхина, халёхана пон мансдаштомай". Катамайтуң калитуң, хайму" мэт шелтамайтуң җамыкутуң тың канхана, пый җанохана калват дёдышат тайвапёштомытуң. Таньше мансдаш җука нэхэм мэштомай". Хайнольш хитамахататоң җука неша" хома-на мансдамантуң деэмня медалю" няамҗаш". Тадям четаң Ямалхатна хайнольш каймы нена" куняна хайнолма, куше округханана хайму" нятапёмамтуң, җалтана җашки" чедимямаң мэты, путахана пытыпёш, вачаш тады.



# Няхар" Хэно

(Нердена пеляда 17  
номеркана џа)



Нюдя нинекани вадида мэсо"маханданда маня" џаволына". Мань ти џамгэ џавормами мале"махадани пин' тарпьюв", такы мяни няю' хури" таҥгыко ядхаяџам'. Мань манзьван няхар" мяд' тавна хури" сававна џули" малеюв". Такы мякни тэв"махадани хонаваханана" хара вуни тания". Тебтан' няна немами хаянэ". Тикыринда џо" мэтами џэвами тю"у' илџав. Ѓамгэеми џэса, макода' сивня хаерта тювы: џарка мяндер" тюку џокханду' макоданду' син' письндакораха", тибяри" хаеры". Тарцям' манэ"лись яркосавэй" пин' санаюв". Няхар" џарка мя"ми си' нэ"мявна тюку' вэданьян. Ѓухуна сярда вэ" нивы" хаю", тюку џокханду' макодиту' сихи" письндакораха", макодиту' сихи" тибяри" хаеры". Тикы тарця џэсь ти пырдары' мякни тюманэ". Ѓамгэ тюб"нани џод' сидями сэвми тум' сиди"мэхэ". Нер" џавнанда нивэв манэс", џарка нинекани нанькода нюдя иле хаёвы. Нанько папами си"ми манэ"лись џэта ни' санэй", манзь ханаџада:

- Пыдар няхар" мяд' тавна џаворо"махаданд тамна џаворман" нин харва", сит хада нирбям'!

Тикыринда џо" нанько папами няџэми хэван' сяври" санэй". Мань џани' сейкони хэсь ну"ма яхадани пуй тю"мавнани хамбидейванэ", хано" поё"мана

ти сюрбелыв". Нанько папами хано" поё"мана си"ми нёраку"у. Ѓамгэ нёракубта џо" ня"амванда нерцю" џодь" хэсетым'. Тарем" сюрбертахани' тю"уй сюрня пыранда санан' пилибт" тэвы". Тарць" хараха"на ти маньем ху" хэцялмам', хано" полихана лыҥгм' ним' хо". Харасяда ян' сюрбхаюв". Ѓоб" сюрмба мань тарем' мам':

- Нанько папав, манзьва хаям', пилибт" хаям'. Товнда џэбат яд"мани мюмня харт тобцакэн.

Нанько папами џудам' са"набта, пыда тарем' ма:

- Хэб"нанд - хань", хананар яҥгу! Ѓари" манзьван тюку яхадани ху" ним' хант".

Нанько папами пуняю' ти сюрхалй". Мань џани' хури" ини таҥгыко си"ив салте"э то' сяд' џыл' ха"амхаяюв". Ѓоб" мимани сер' няхар" нинекани пядвы нямзэй тюку ватаян. Ханяџэни" ябан' еремы џэбта џо" џопой џули" џарка"я идюрця еремы. Тикында ти тикы идюрцяни нябимда пелямда тюку"ли" џамав, вадудилаюм' пелямда џани' таботяр' ни' масибтеванэ". Ихинян мам': «Нанько папами хуна тона џэб"нанда тания џамзакэда».

Тикы" тарця џэсь ти џарвэ"ни сер' пили" ядальюв". Тикы ядалмани тас сыра' ямб' пиняри' миџам'.

Няхар" нинекани— няхар" Хэноко ни хыйду' я"яду' џули" терсявы, хуна хухуртахана иленяком' џули" ним' хомбю", нумгад ха"амвы џэлта џэвады. Тас сыра' ямб' хуна писяко хориб"нани џамлисетын. Тарем' ядэртахани ти ху" вынхалыманэ". Ѓоб" ядва-

ми нивыкы џа", ся"ны" џэбту' ялей" џэвы". Нерни' няна ханебце" џамдорма лорца џадимянэ". Тикы ханебце" џамдорма лорцам' манэ"лихива маньен ихинян мам': «Такы џадьда лорцан' тэвраваб"нани сава џэись. Тад џо", џо" тикы лорцаҥэ ярэй џэдараха, лэкоцяхартани хасуй яхана юседаиць».

Ѓадьда лорцан' си"ивхава яля' яднархам'. Си"иванда панась лорца' џэва' ни' ханзер" тарем' џодь" танаюв". Тикыринда џо" ся"ни яля' няю' џэсь тюми нароҥоць манзилабтаҥав. Пон' хонёвы џэба"ан - нибан, немами хэвы. Ѓоб" юседа тарем' инзелеб"нани сид"ни няна џамгэ" џэбту' џо" тэри сю"лармонду'. Тарцям' намдрихива мэтами џэвами тю"у' илџав. Мале нарэйҥэ хэвы: хурина тания мырый" яхако" я' ваҥгу" сер' харабарць тэри сю"ларҥа", неро" мансако" тэри парцьна". Ся"ни няҥы хэвхы ян' тарем' сырпанни мэсянд лорцани хэувна мадорота яха-яха ха"амвы, и"лида тьялабты. Тания џадьбата тикы мадорота яха' тяханий хэвхана юдмян" мяд" макодиту' нид тан"мэкораха". Тикахавахана ти мядо манэ"лись џэ"ни ни' юркыв", янабаковна ядалкаяюв". Ѓамгэ пон' мимы џэвнам' яха' сяд' џыл' ха"амхаяюв". Ид' варан' тэврива" яха' тяханий варан' саҥоми хэвы. Тания џадьбата тяханий вархана сидяри хасавва ёр"яхавэхэ". Ѓопой мобти' поҥганди' ёркахана халяҥэ сыра' сехэраха џэридасеты. Тикында ти џамгэда харада џэвы џэвна, маньен ид' вархана ят' тэри выринам'. Сидя хасавар си"ми маниебти' нибти' ят' џоб" ёрҥаха". Ѓаво" пирка"на няби хасавар си"ми манэтакы, няханда

манзь төренаванонда:

- Нявэ", техэр џылека тэвы", џарихэ" мерку", мякани' хэхэни'.

Нябиюмл ху" нись парумбю" мань няџэми хэван' пыдасавэй" ти сюрхалй". Тарем' маманонда:

- Тикыехэртар тад џылекахарт џылекав?

Нябир џани' мамонда:

- Ѓамгэ сяд" лаханакунди', џарихэ" мерку", мякани' хэхэни'!

Тарць" вадахана сидя хасавар нэкалпада поҥгамди' џадан' моди', тад тикы' пуд няџэми хэван' џопой халяком' мирилебцяҥаха'. Тикы мовы халякоди' яха' тяханий хэвхад няџэми хэван' мирнась няр" хэсеты, тид" хэсеты. Ѓамгэ пон' мимы џэвна џарвэ"ни џыл' ёмзя" тэсдарев' сюра ха"мь". Мирнана халякон' сырмамбохони сидя хасаванд ну"ма яхананди' поҥгой таб хадриди' сюра хаёвы, такы мядоти' няна мале хэвэхэ'. Тарць" хараха"на ти сидя янэдо"ни мовы халяком' вэнекодрев' нирҥыба пьванэ". Ѓоб" нирбавани сер' мядо" няю' хари яро"лам'. Тарем' инзелеб"нани џок" мядо" няна џоб" џарка вабц хорбярманонда, тарем' маманонда:

- Тахабе ёльце са"лади' џэвэди'. Хуна ни" ман' хибярихид сей хэривы. Тикыери' тад маяндорта хибя џэдараханэ". Ѓарихэ" мерку", тюкон' хо"ори'!

(Пелямда џадиманда  
газетахана толара")

1940 похона А.С. Тайбарей'  
вадемы

З.Н. Куприянова' падвы  
«Ненецкий фольклор»



# Нэрм’ тер” тодо ян’ нэдалэяд”

Си”ив яля’ Москвахана нэвы выставка-ярмарка «Сокровища Севера» ёльцей”. Нани понда нэсонд’ нэрм’ тер” нарка яна” тигъывна яхато’ нэдалэяд”. Тикы” поңгана Ямалхадна” нани’ мел” хибяри” тэворңаць. Ва”лэй ненэця” тодо районхат наць.

Хуркари” пирдырма”, конкурс” мэсо”махадандо’ хибя нерня’ ха”амвам’ пудана яляхана ваде”-надонзь. Ямална” экспозиция нэка нита поңгад нюртей ян’ ха”мыць. Нина” поңгана хуркари юнета ненэця” нэдимяць.

Сёяха’ няд нэдалёрта Надежда Худи сыв паныдо’ манэ”-лабтамбади” поңгана сямьхат мелңэ таславэдо’. Харта нод” тикы няна” пирувна сэдора теневана яңгода то”олха. Няби я’ панан’ нэкапаны, малыци тэвравысь. Конкурсхана манэ”лабтамбавандо’ малыңгана сырта” пеедо’ нули” тоедамбидонзь. Гарця панэхэна нэмгэхэрт тецьдам’ нин пилют”.

Хусувэй тэнз” харе” нэврандо’ ямбака”я толь’ ни’ нэдимдембидонзь. Нэвыдота нэвар” манэ”лабтамбавандо’ малыңгана «Ямал» нэубета организациахад нэда” не” нябимдей ян’ ха”амвыдаць. Сямьхат нэвыдота нэвар” Надымской районхад нэдалёрмы” нина” серта теневавы”. Ямальской районхад нэда Тако Япстик хыноти” поңгана нерня’ еремьсь. Сита пир” нэрм’ тер” поңгана яңговы. Тасу Яв’ няд сё мэтам’ Лилия Яднем’, «Мараңга» ансамбль’ тер нэнадумдавыць. Тюку по’ Тазовской район’ тер” Нэдяңгад тарана нэцецьдо’ тэвравыць. Пыдо’ нердена яңорэй’ нарка ян’ тэвбато нод” тарабцодо’ нули” сававна манэ”лабтэйдонзь. Тохолкоди” поңгад Станислав Евайм’ нани’ сэвтедонзь. Пыда сямьхат сававна лаханаку манэ”лабтамбись. Нэбтикы школахана тохолкурңа, мята тер” вымна миосерца”. Лаханакурпата пилотада яңговы.

Тарця мел” ненэця” ва”лэй нэвамдо’ манэ”лабтаванзь Москван’ нэдалёрнаць. Тикы нина” няд”мяць нани яха”на илена” нэрм’ тер” теневаңгу”, ненэсянда ненэй ненэця” ва”лэй нэвы”.

Марина Яр’  
падвы



Сидяңг’ М. Яр’ тадтавы”

Газета  
«Няръяна Нэर्म»

Главный редактор  
Яр Марина  
Тэтакучевна

ГЕНЕРАЛЬНЫЙ ДИРЕКТОР  
АНО «ЯМАЛ-МЕДИА»  
Зулинова Мария Андреевна

№ 19 Подписано в печать 8.05.2024 г.  
Вышла в свет 11.05.2024 г.  
По графику: 16.00, фактически: 16.00.

ПОДПИСНЫЕ ИНДЕКСЫ:  
на год – ПА701,  
на полугодие – ПР562.

Учредитель – департамент внутренней политики ЯНАО  
(629008, ЯНАО, г. Салехард, пр-кт Молодёжи, д.9, каб.708).

Издатель – департамент внутренней политики ЯНАО (629008, ЯНАО,  
г. Салехард, пр-кт Молодёжи, д.9, каб.708)

Газета зарегистрирована – Управлением Федеральной службы по надзору в сфере  
связи, информационных технологий и массовых коммуникаций по Тюменской  
области, ХМАО-Югре и ЯНАО от 19 апреля 2012 года.  
Регистрационный ПИ № ТУ72 – 00559

Тираж 3616 экз.

Заказ № 0700 (тираж 1581 экз.) отпечатан в АНО «Ямал-Медиа»  
Юридический адрес: 629003, Ямало-Ненецкий автономный округ,  
г. Салехард, мкр. Богдана Кнунынца, д.1, каб. 106  
Фактический адрес: 629007, Ямало-Ненецкий автономный округ,  
г. Салехард, ул. Чубынина, 39А

Заказ № 0700/1 (тираж 2035 экз.) отпечатан в АНО «Ямал-Медиа»  
629309, ЯНАО, г.Новый Уренгой, ул. Северное кольцо, стр. 2/4).  
Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО,  
г. Салехард, мкр. Богдана Кнунынца,  
д1, каб. 106  
тел. (349 22) 4-53-32

E-mail: nn@yamal-media.ru